



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1230. Usque Ad Annum 1248

**Fleury, Claude**

**August. Vind. [u.a.], 1764**

**VD18 90118049**

§. 52. Mors Henrici Comitis Provincialis.

---

[urn:nbn:de:hbz:466:1-66268](https://nbn-resolving.org/urn:nbn:de:hbz:466:1-66268)

pli, qui foeminam religiosam rapuerat, de-  
 precantibus. De rebus divinis assidue  
 verba faciebat ad populum, etiam extra  
 Diocesin suam: poenitentibus aures, so-  
 latoria, animos, postulantibus consilia da-  
 bat: cuncta denique charitatis opera tam  
 corporalia quam spiritualia exercebat.

Tribus mensibus post S. Edmundi ad  
 ordinem Sanctorum adscriptionem Papa  
 Innocentius immortalitati consecravit  
 Guilielmum Pinchonium Episcopum  
 Briocensem, ut apparet ex diplomate  
 Lugduni dato 15. Apr. 1247. & Archi-  
 episcopo Turonensi ejusque Suffraganeis  
 inscripto: in quo Papa sigillatim sex mi-  
 racula illius precibus impetrata, plura-  
 que alia generatim refert, per testes ido-  
 neos confirmata. Tum dicit, se die Pa-  
 schatis (erat is hoc anno ultimus Mar-  
 tii) illi coelestes honores publicosque de-  
 creviffe de consilio Cardinalium, Patriar-  
 chae Constantinopolitani, caeterorumque  
 Praesulum ad sanctam Sedem commo-  
 rantium. Demum ad memoriam ejus-  
 dem ipsa obitus die 29 Julii celebrandam  
 hortatur.

§. LII.

*Mors Henrici Comitis Provincialis.*

In Germania Henricus Thuringiae Co-  
 mes Provincialis, postquam in Roma-  
 norum

M m 2

norum



Sæcul. XIII. norum Regem electus fuerat, comitia  
 A. C. 1247. indixit Francofurti festo S. Jacobi die 25  
 Julii an. 1246. habenda. His se oppo-  
 siturus Conradus Imperatoris Friderici  
 filius comparuit cum copiis, sed ad fugam  
 compulsus est, ac multi ejus partium No-  
 biles capti sunt. Dicebatur ab aliis Pa-  
 pæ pecunia subornatis in pugna desertus  
 fuisse. Hæc die S. Dominico sacra 4 Au-  
 gusti accidit. Papa ad Henricum solen-  
 nissimo ritu coronandum se præparante,  
 cum Conradus ad locum huic actui de-  
 stinatum numerosum adduxisset exerci-  
 tum, magnum prælium committebatur,  
 in quo Henricus prospero primum suc-  
 cessu lætus, sed victus denique, ac fuge-  
 re coactus, præ dolore animam efflavit  
 verni jejunii tempore an. 1247. Quare  
 graviter afflictus Papa in varias orbis  
 Christiani partes quatuor Legatos misit,  
 qui eum in Fridericum & Conradum  
 concitarent, ac pro hujus belli sumpti-  
 bus pecunias colligerent. Primum ex  
 his Legatis in Germaniam, in Italiam al-  
 terum, tertium in Hispaniam, in Norve-  
 giam quartum misit; in Angliam nemi-  
 nem sub Legati nomine (ne Regis per-  
 missum poscere cogeretur) sed Fratres Mi-  
 nores ac Prædicatores, qui præstabant  
 idem. In Germaniam legavit Petrum  
 Capochium nobilem Romanum, Cardi-  
 nalem tit. S. Georgii ad Velum Aureum,  
 &

*Alb. Stad.*  
*an. 1246.*  
*Mon. Pad.*  
*eod.*

*Matth. Par.*  
*p. 616.*

*Hist. Lantg.*  
*c. 52.*

*Matth. Par.*  
*p. 633.*

p. 634.

*V. ep. 32.*

*ap. Rayn.*

1247. n. 2.3.



& illi mandatum dedit 15 Martii: dein <sup>Sæcul. XIII.</sup> mense Junio scripsit his verbis: *Ecclesie* <sup>A.C. 1247.</sup> utilissimum foret, si in Germanicæ locis, in <sup>IV. ep. 113.</sup> quæ populus convenire solet, quidam Religi- osi eos omnes, qui Ecclesie partes se- cuti, eidem fide sua jurejurando obstricta, ad Fridericum & Conradum redierunt, ana- themate, illorumque terras interdicto per- cellerent. Declarabitur etiam, eorum te- stimonium in judiciis non acceptum iri, nec ad templa profugos immunitate frui- turos esse. Prohibetur omnis cum eis- dem communicatio, & a muneribus suis ad tempus abstinere jubebuntur omnes Clerici, qui per malos sermones suos e- molumento Ecclesie obstiterint.

§. LIII.

*Papa Judæos protegit.*

Interim Papa recepit Germaniæ Judæo-  
rum querelas, quod quidam Principes  
tum sacri tum profani, aliique Nobiles,  
ut ipsorum bona expilandi causam præ-  
texerent, calumnias contra ipsos excogi-  
tarent. Addebant: *Die Paschatis, pro* <sup>ap. Rayn. 4.</sup> *sacra communione infantis a nobis necati*  
*cor comedere, & cum cadaver hominis*  
*invenitur, nos eum peremisse dicimur. Non*  
*convicti, immo nec accusati coram Judice,*  
*spoliamur bonis, & in carceres compacti*  
*fame variisque tormentis conficimur: mul-*